



Q. D. B. V.

Quæstiones Theologicæ,

in quibus

Abusus Philosophiæ

deprehenditur.

Quæstio I.

Utrum creaturæ ex nihilo productæ sunt, an vero ex
essentiâ divina emanarunt?

§. I.

Vocabulum NIHIL πολύσημον esse, ex vario illius usu, etiam in vitâ civili, notissimum omnibus est, & in Scripturis ipsis varias illius significationes reperiri, FLACIUS *Part. I. Clav. Script.* & RAVANELLUS *Biblioth. Sacr. Voc. Nihil* docere nos possunt. Nobis illud hoc loco propriè & in rigorosâ acceptione, pro *non-existente* sumitur, prouti non-entis synonymum haberi solet, entique, seu ei, quod essentiam existentem habet, contradictoriè opponitur, & in Nihil negativum ac privativum distingvi suevit. At hæc ipsa quoque distinctio, quando de creatione rerum ex nihilo sermo est, à Philosophis pariter atque Theologis diversâ ratione exposita deprehenditur. Alii namque Nihil negativum dicunt, quod neque aliquid est, neque fieri aliquid potest. Atque hi terminum *negativi* strictius sumunt, ex significatione abstracti, nempe negationis, siquidem

negatio

A